

明通議大夫都察院右副都御史大庾劉節廣



天地廣

天地賦

成公子安

# 卷二十一

書名 廣文選八十二卷 嘉靖十二年序刊本  
撰者 明 劉節 輯  
卷 卷二十一  
內容分類 集-總集-詩文  
索書號 大木-集部-總集類-3

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始  
有物而混成何元一之芒昧兮廓開闢而著形爾乃清  
濁剖玄黃判離太極既殊是生兩儀星辰煥列日月  
重規以尊地靜以卑昏明迭炤或盈或虧陰陽協  
氣而寒暑隨時而推移三才殊性五行異位千變  
萬化度類授之以形稟之以氣色表文采聲有音  
律復方流形品物鼓以雷霆潤以慶雲八風翱翔

衣素裳歸仁服德雌雄頡頏執志精專潔行馴良街土  
繕巢有式宮房不規自圓無矩自方

廣文選卷第二十

江都葛澗校

廣文選卷第二十一

明通議大夫都察院右副都御史大庾劉節廣

詩

樂府四

飲馬長城窟行

陳孔璋

飲馬長城窟水寒傷馬骨往謂長城吏慎莫稽留太原  
卒官作自有程舉築諧汝聲男兒寧當格鬪死何能怫  
鬱築長城長城何連連連連三千里邊城多健少內舍  
多寡婦作書與內舍便嫁莫留住善事新姑嫜時時念  
我故夫子報書往邊地君今出語一何鄙身在禍難中  
何為稽留他家子生男慎莫舉生女哺用脯君獨不見  
長城下死人骸骨相撐拄結髮行軍君慊慊心意關邊



地苦賤妾何能久自全

定情篇

繁休伯

我出東門遊邂逅承清塵思君即幽房侍寢執衣巾時  
無桑中契迫此路側人我即媚眉姿君亦悅我顏何以  
致拳拳縮臂雙金環何以致慙慙約指一雙銀何以致  
區區耳中雙明珠何以致叩叩香囊繫肘後何以致契  
闊繞腕雙跳脫何以致縉恩情珮玉綴羅纓何以致中心  
素縷連雙針何以致結相於金薄晝搔頭何以致慰別離耳  
後璫瑁釵何以致答歡悅紉素三條裾何以致結愁悲白絹  
雙中衣與我期何所乃期東山隅日旰兮不至谷風吹  
我襦遠望無所見涕泣起踟躕與我期何所乃期南山  
陽日中兮不來飄風吹我裳逍遙莫誰覩望君愁我腸  
與我期何所乃期西山側日夕兮不來躑躅長歎息遠  
望涼風至俯仰正衣服與我期何所乃期山北岑日暮  
兮不來淒風吹我襟望君不能坐悲苦愁我心愛身以  
何爲惜我華色時中情旣欸欸然後剋密期褰衣躡花  
草謂君不我期廁此醜陋質徙倚無所之自傷失所欲  
淚下如連絲

秋胡行七首

嵇叔夜

富貴尊榮憂患諒獨多富貴尊榮憂患諒獨多古人所  
懼豐屋蔀家人害其上獸惡罔羅惟有貧賤可以無他  
歌以言之富貴憂患多

貧賤易居貴盛難爲工貧賤易居貴盛難爲工耻佞直  
言與禍相逢變故萬端俾吉作凶思牽黃犬其莫之從

歌以言之貴盛難爲工

勞謙有悔忠信可久安勞謙有悔忠信可久安天道害  
盈好勝者殘彊梁致災多招禍患欲得安樂獨有無愆  
歌以言之忠信可久安

役神者弊極欲疾枯役神者弊極欲疾枯顏回短折不  
及童烏縱體淫恣莫不早徂酒色何物今自不辜歌以  
言之酒色令人枯

絕智棄學遊心於玄默絕智棄學遊心於玄默過而悔  
當不自得垂釣一壑所樂一國被髮行歌和者四塞歌  
以言之遊心於玄默

思與王喬乘雲遊八極思與王喬乘雲遊八極凌厲五  
嶽忽行萬億援我神藥自生翼羽呼吸太和練形易色  
歌以言之思行遊八極

徘徊鍾山息駕於層城徘徊鍾山息駕於層城上蔭華  
蓋下采若英受道王母遂升紫庭逍遙天衢十載長生  
歌以言之徘徊於層城

遊俠篇

張茂先

翩翩四公子濁世稱賢明龍虎相交爭七國并抗衡食  
客三千餘門下多豪英遊說朝夕至辯士自縱橫孟嘗  
出東關濟身由鷄鳴信陵西反魏秦人不窺兵趙勝南  
詛楚乃與毛遂行黃歇北適秦太子還入荆美哉遊俠  
士何以尚四卿我則異於是好古師老彭

壯士篇

張茂先

天地相震蕩回薄不知窮人物稟常格有始必有終年

時俛仰過功名宜速崇壯士懷憤激安能守虛冲乘我  
大宛馬撫我繁弱弓長劍橫九野高冠拂玄穹慷慨成  
素霓嘯咤起清風震響駭八荒奮威曜四戎濯鱗滄海  
畔馳騁大漢中獨步聖明世四海稱英雄

輕薄篇

張茂先

末世多輕薄驕或好浮華志氣能放逸貲財亦豐奢被  
服極纖麗肴饌盡柔嘉僮僕餘梁肉婢妾蹈綾羅文軒  
樹羽蓋乘馬鳴玉珂橫簪刻玳瑁長鞭錯象牙足下金  
罍履手中雙莫邪宿從煥絡繹侍御何芬葩朝與金張  
期暮宿許史家甲第面長街朱門赫差莪蒼梧竹葉清  
宜城九醞醪浮醪隨觴轉素蟻自跳波美女與齊趙妍  
唱出西巴一顧傾國城千金不足多北里獻奇舞大陵  
奏名歌新聲踰激楚妙妓絕陽阿玄鶴降浮雲鱗魚躍  
中河墨翟且停車展季猶咨嗟淳于前行酒雍門坐相  
和孟公結重關賓客不得蹉三雅來何遲耳熱眼中花  
盤按互交錯坐席咸喧譁簪珥或墮落冠冕皆傾邪酣  
飲終日夜明燈繼朝霞絕纓尚不充安能復顧他留連  
彌信宿此歡難可過人生若浮寄年時忽蹉跎促促朝  
露期榮樂遽幾何念此腸中悲涕下自滂沱但畏執法  
吏禮防且切蹉

思歸引

傅休奕

景龍飛御天威聰鑒玄察動與神明副協機從之者顯逆  
之者滅夷文教敷武功巍普被四海萬邦望風莫不來  
綏聖德潛斷先天弗違弗違祥享世末長猛以致寬道

化光赤明明祚隆無疆帝績惟期有命既集崇此洪基

董逃行歷九秋篇

傅休奕

歷九秋兮三春遺賚客兮遠賓顧多君心所親乃命妙  
 妓才人炳若日月星辰其序金壘兮玉觴賓主遞起寫  
 行杯若飛電絕光交觴接卮結裳慷慨歡笑萬方其奏  
 新詩兮夫君爛然虎變龍文渾如天地未分齊謳楚舞  
 紛紛歌聲上激青雲其窮八音兮異倫竒聲靡靡每新  
 微披素齒丹唇逸響飛薄梁塵精爽眇眇入神其坐咸  
 醉兮沾歡引樽促席臨軒進爵獻壽翻翻千秋要君一  
 言願愛不移若山其五君恩愛兮不竭譬若朝日夕月此  
 景萬里不絕長保初醮結髮何憂坐胡越其六攜弱手兮  
 金環上游飛閣雲間穆若鴛鳳雙鸞還幸蘭房自安媿  
 心樂意難原其七樂既極兮多懷盛時忽逝若頽寒暑  
 御景迴春榮隨風飄摧感物動心增哀其八妾受命兮孤  
 虛男兒墮地孺姝女弱難存若無骨肉至親更疏奉事  
 他人託軀其九君如影兮隨行賤妾如水浮萍明月不能  
 常盈誰能無根保榮良時冉冉代征其十顧肅領兮含暉  
 皎日迴光則微朱華忽是漸衰影欲捨形高飛誰言往  
 思可追其十一薺與麥兮夏零蘭桂踐霜逾馨祿命懸天  
 難明妾心結意丹青何憂君心中傾其十二

車遙遙篇

傅休奕

車遙遙兮馬洋洋追思君兮不可忘君安遊兮西入秦  
願為影兮隨君身君在陰兮影不見君依光兮妾所願

飲馬長城窟行

傅休奕

青青河邊草悠悠萬里道草生在春時遠道還有期春  
至草不生期盡歎無聲感物懷思心夢想發中情夢君  
如鴛鴦比翼雲間翔既覺寂無見曠若參與商

豫章行

傅休奕

苦相身為女卑陋難再陳兒男當門戶墮地自生神雄  
心志四海萬里望風塵女育無欣愛不為家所珍長大  
逃深室藏頭羞見人垂淚適他鄉忽如雨絕雲低頭和  
顏色素頗結朱唇跪拜無復數婢妾如嚴賓情合雙雲  
漢葵藿仰陽春心匪甚水火百惡集其身玉顏隨年變  
丈夫多好新昔為形與影今為胡與秦胡秦時相見一  
絕踰參辰

有女篇

傅休奕

有女懷芬芳提提步東廂蛾眉分翠羽剛發目清揚丹  
唇翳皓齒秀色若珪璋巧笑露權厖衆媚不可詳容儀  
希世出無乃古毛嬙頭安金步搖耳繫明月璫珠環約  
素腕翠爵垂鮮光文袍綴藻黼玉體映羅裳容華旣以  
艷志節擬秋霜徹音冠青雲聲響流四方妙哉英媛德  
宜配侯與王靈應萬世合日月時相望媒氏陳束帛羔  
鴈鳴前堂百兩盈中路起若鸞鳳翔凡夫徒踴躍望絕  
殊參商

朝時篇

傅休奕

昭昭朝時日皎皎晨明月十五入君門一別終華髮同  
心忽異離曠如胡與越胡越有會時參辰遼且濶形影  
雖髣髴音聲寂無達纖絃感促柱觸之哀聲發情思如

循環憂來不可遏塗山有餘恨詩人詠採葛蜻蚓吟牀  
下迴風起幽闈春榮隨露落芙蓉生木末自傷命不遇  
良辰有乖別已爾可柰何譬如紈素裂孤雌翔故巢星  
流光景絕魂神馳萬里甘心要同穴

明月篇

傅休奕

皎皎明月光灼灼朝日輝昔爲春蠶絲今爲秋女衣丹  
脣列素齒翠彩發蛾眉嬌子多好言歡合易爲姿玉顏  
盛有時秀色隨年衰常恐新聞舊變故興細微浮萍無  
根本非水將何依憂喜更相接樂極還自悲

艷歌行

傅休奕

日出東南隅照我秦氏樓秦氏有好女自字爲羅敷首  
戴金翠飾耳綴明月珠白素爲下裙丹霞爲上襦一顧  
傾朝市再顧國爲虛問女居安在堂在城南居青樓臨  
大巷幽門結重樞使君自南來駟馬立踟躕遣吏謝賢  
女豈可用行車斯女長跪對使君言何殊使君自有婦  
賤妾有鄙夫天地正厥位願君改其圖

長歌行

傅休奕

利害同根源賞下有甘鈎義門近橫塘獸口出通侯撫  
劍安所趨蠻方未順流蜀賊阻石城吳寇馮龍舟二軍  
多壯士聞賊如見讐投身効知己徒生心所羞鷹隼厲  
天翼耻與鷺雀遊成敗在縱者無令鷺鳥憂

短歌行

傅休奕

長安高城曾樓亭亭干雲四起上貫天庭蟬蛸何整行  
如軍征蟋蟀何感中夜哀鳴蚍蜉愉樂粲粲其榮寤寐



念之誰知我情昔君視我如掌中珠何意一朝棄我溝  
渠昔君與我如影如形何意一去心如流星昔君與我  
兩心相結何意今日忽然兩絕

雲中白子高行

傅休奕

陵陽子來明意欲作天與仙人遊超登元氣攀日月逐  
造大門將上謁閭闔見紫微絳闕紫宮崔嵬高殿嗟  
峨雙關萬丈玉樹羅童女掣電童男挽雷車雲漢隨天  
流浩浩如江河因王長公謁上皇鈞天樂作不可詳龍  
仙神仙教我靈秘八風子儀與遊我祥我心何戚戚思  
故鄉俯看故鄉二儀設張樂哉二儀日月運移地東南  
傾天西北馳鶴五氣所補熬四足所支齊駕飛龍駮赤  
龍逍遙五嶽間東西馳期與天地並復何爲復何爲

牆上難爲趨

傅休奕

門有車馬客駮服若騰飛革組結玉佩繁藻紛葳蕤馮  
軾垂長纓顧盼有餘輝貧主屣弊履整比藍縷衣客曰  
嘉病乎正色意無疑吐言若覆水搖舌不可追渭濱漁  
釣翁乃爲周所諮顏回處陋巷大聖稱庶幾苟富不知  
度千駟賤采薇季孫由儉顯管仲病三歸夫差耽淫侈  
終爲越所圍遺身外榮利然後享巍巍迷者一何衆孔  
難知德希甚美致憔悴不如豚豕肥陽朱泣路岐失道  
今人悲子貢欲自矜原憲知其非屈伸各異勢窮達不  
同資夫唯體中庸先天天不違

西長安行

傅休奕

所思兮何在乃在西長安何用存問妾香橙雙珠環何

用重存問羽爵翠琅玕今我兮問君更有兮異心香亦  
不可燒環亦不可沈香燒日有歇環沈日自深

昔思君

傅休奕

昔君與我兮形影潛結今君與我兮雲飛雨絕昔君與  
我兮音響相和今君與我兮落葉去柯昔君與我兮金  
石無虧今君與我兮星滅光離

惟漢行

傅休奕

危哉鴻門會沛公幾不還輕裝入人軍投身湯火間兩  
雄不俱立亞父見此權項莊奮劍起白刃何翩翩伯身  
雖為蔽事從不及旋張良懼坐側高祖變龍顏賴得樊  
將軍獸當作叱項王前噴目駭三軍磨牙咀豚肩空卮  
讓霸主臨急吐奇言威凌萬乘主指顧回泰山神龍困

鼎鑊非喻豈得全狗屠登上荆功業信不原徒兒有

慕腐儒安足歎

思歸引

石季倫

思歸引歸河陽假余翼鴻鶴高飛翔經芒阜濟河梁望  
我舊館心悅清渠激魚彷徨鴈驚沂波群相將終日周  
覽樂無方登雲閣列姬姜拊絲竹叩宮商宴華池酌玉  
觴

楚妃嘆

石季倫

蕩蕩大楚跨土萬里北據方城南接交趾西撫巴漢東  
被海涘五侯九伯是疆是理矯矯莊王淵停嶽峙冕旒  
垂精克纘塞耳韜光戟耀潛默恭已內委樊姬外任孫  
子猗猗樊姬體道履信既紉虞丘九女是進杜絕邪佞

廣啓令胤割歡抑寵居之不吝不吝實難可謂知幾化  
自近始著於閨闈光佐霸業邁德揚威群后列辟式瞻  
洪規譬彼江海百川咸歸萬邦依歌身沒名飛

鞠歌行

陸士衡

朝雲升應龍攀乘風遠遊騰雲端鼓鐘歇豈自歡急茲  
高張思和彈時希值年夙愆循已雖易人知難王陽登  
貢公歡罕生既沒國子歎嗟千載豈虛言邈矣遠念情  
愴然

董逃行

陸士衡

和風習習薄林柔條布葉垂陰鳴鳩拂羽相尋倉庚嘒  
嘒弄音感時悼逝傷心日月相追周旋萬里倏忽幾年  
人皆冉冉西遷盛時一往不還慷慨匪念懷然昔爲少  
年無憂常怵秉燭夜遊翩翩宵征何求於今知此有由  
但爲老去年適盛固有衰不疑長夜冥冥無期何不驅  
馳及時聊樂求日自怡齎此遺情何之人生居世爲安  
豈若及時爲歡世道多故萬端憂慮紛錯交顏老行及  
之長嘆

折楊柳

陸士衡

邈矣垂天景壯哉奮地雷豐隆豈久嚮華光但西隕日  
落似有竟時逝恒若催仰悲朗月運坐觀璇蓋迴盛門  
無再入哀房莫苦開人生固已短出處鮮爲階慷慨惟  
昔人興此千載懷升龍悲絕處葛藟變條枚寤寐豈虛  
嘆曾是感與推弭意無足歡願言有餘哀

胡姬年十五

劉越石

虹梁照曉日淥水泛香蓮如何十五少含笑酒壚前花  
將面自許人共影相連回頭堪百萬價重為時年

怨詩行

陶淵明

天道幽且遠鬼神茫昧然結髮念善事備俛五十一一作六  
年弱冠逢世阻始室喪其偏炎火屢焚如螟蟻恣中田  
風雨縱橫至收斂不盈廬夏日長抱饑寒夜無被眠造  
夕思鷄鳴及晨願鳥遷在已亦何怨一作何離憂悽目  
前吁嗟身後名於我若浮煙慷慨激一作獨悲歌鍾期信  
為賢

廣文選卷第二十一

廣文選卷第二十一

明通議大夫都察院右副都御史大庾劉節廣

詩

樂府五

君子有所思行

謝靈運

總駕越鍾陵還顧望京畿躑躅周名都遊目倦忘歸市  
鄠無阨室世俗有高闈密親麗華苑軒薨飾通達孰是  
金章樂諒由燕趙詩長夜恣酣飲窮年弄音徽盛往速  
露隊哀來疾風飛餘生不歡娛何以竟暮歸寂寥曲肱  
子瓢飲療朝饑所秉自天性貴富豈相譏

悲哉行

謝靈運

萋萋春草生王孫遊有情差池鷺始飛天梟柳始榮灼